



Senin, 09 Mei 2022

Ogen: Ezeziel 35:1-15



Ertangku Si Meherga



Sada kera sangana erbebe. Kepeken tanna si kemuhen masuk ku bas guci, janah nggo piga-piga paksa dekahna lanai banci pulah. Suruhna temanna ngerintak guci ndai tapi ras kera ndai ikut tersaren. Nggo mesui akapna janah melehe pe beltekna ban bas tanna guci ndai la ia banci muat panganna. Ndele kel atena. E maka idahina ka sada nari temanna si gel-gel kin termsuk bijak bas kelompokna, nina "Ugalah akapndu carana maka nggo pulah tanku e?" E maka nina temanna ndai "Pulahilah sicikepndu ena." Kepeken kera ndai masukkenna tanna ku bas guci e perban lit i je pangan, keleng atena iraukna asa dem tanna janah la ia nggit mulahisa ndube nari. Tapi kenca ngerana temanna ndai icubakenna mulahisa, maka nggo siat tanna ndarat bas babah guci e nari. Arah turi-turin enda si idah maka kerina kita lit si jadi kesenangan, keriahen ntah pe si akap jadi kebayakenta. Janah adi nggo bas tanta rugi si akap ngelepaskenca, amin kai gia si jadi. I bas keleng ate lit penghargaan, lit pengorbanan, lit pembelan. Tapi arus si pergermetkenlah bas kegeluhen, kai nge si akap si jadi kebayaken bas geluhta. Adi Tuhanta, kita enda, kula ukur ras tendinta em kebayakenNa, bagi pengakunNa i bas ay.14 maka bangsa Israel me kebayakenNa. Em kebanggaanNa. Janah guna Israel ia nggit ngasamken kesahNa, mperjuangkan bangsa e, janah ibelaNa pe Israel arah bangsa Edom si megombang. Kalak si Tuhan bahanna penundalenna em si jadi kebayaken i bas Tuhan, janah la pernah Tuhan erkadiola engkelengisa. Bagelah kita i bas jaman canggih enda, perlu jelas kal kai si jadi kebayaken nta, ola si ikuti biak doni. Pertemanen, pendahin, teknologi, buaten geluh, pendidikan e meherga kerina, cikep ras pekena-kenalalah, tapi i babo si e bahan kiniteken man Tuhan selaku ertanta si mehergana kal, si la kita ngasup sirang ras Ia.